

**ENPLEGUA SUSTATZEKO TOKIKO JARDUERETARAKO LANBIDE-  
EUSKAL ENPLEGU ZERBITZUAK EMATEN DITUEN LAGUNTZEN  
DEIALDIEN MARKOAREN BARRUAN, KONTRATAZIORAKO  
LAGUNTZEN OINARRI ARAUTZAILEAK ETA DEIALDIA**

**Hitzaurrea**

Leioako Udalak Tokiko Enplegu Plana artikulatu zuen udalerriko ehundura sozioekonomikoaren enplegu beharrianak ezagutzeko eta horiei erantzuna emateko.

Plana artikulatzeari esker, udalerriko ehundura ekonomikoko diziplina anitzeko eragileen laguntzaz, Leioako Udalak sektore nagusien gaur eguneko eta etorkizuneko beharrianak identifikatu ditu.

Kontrataziorako laguntza hauek Tokiko Enplegu Planaren barruan sartzen dira:

MAPA ESTRATEGIKOA HEDATZEA		
HELBURU OROKORRAK	ESTRATEGIAK	LAN ILDOAK
A.Tokiko enplegarritasuna eta sustapen ekonomikoa hobetzeko aukerak sortzea eta	A.2. Enplegurako aukerak sortu eta biltzeko laguntza eta lankidetzak instituzionala.	A.2.1. Tokiko beharrianak enplegu aukerekin lotzen dituzten proiektuak sustatzea.

Langabezian dauden pertsonen kontratazioa bultzatzeko laguntza ekonomikoen proiektua da, Lanbide-Euskal Enplegu Zerbitzuak diruz lagundua, Enplegua Sustatzeko Tokiko Jardueretarako Laguntzen deialdiaren barruan.

## **1. ARAUDI APLIKAGARRIA**

Oinarri hauetan ezartzen diren kontrataziorako laguntzen babes diren araudi eta xedapenak honakoak dira:

- Lanbide-Euskal Enplegu Zerbitzuaren zuzendari nagusiaren Ebazpena, 2017ko uztailaren 27koa, enplegua sustatzeko tokiko jardueretarako diru-laguntzen 2017. urteko deialdia argitaratzeko dena. (EHAA 2017/07/28).
- Azaroaren 17ko Diru-laguntzen 38/2003 Lege Orokorra (BOE 03/11/18).

- Ekainaren 21eko 887/2006 Errege Dekretua, Diru-laguntzen Lege Orokorrari dagokion Erregelamendua onartzen duena (BOE 06/07/25).
- Leioako Udalak ematen dituen diru-laguntzak arautzeko oinarriak onartzen dituen ordenantza orokorra. (BAO 13/02/11).
- Lanbide-Euskal Enplegu Zerbitzuko zuzendaria nagusiaren ebazpena, 2017ko azaroaren 2koa, Leioako Udalarentzako dirulaguntza onartzen duena, enplegua sustatzeko tokiko ekintzak burutzeko dirulaguntzen deialdiaren babespean, Lanbide-Euskal Enplegu Zerbitzuko Administrazio Kontseiluaren erabakiz onartua 2017ko uztailaren 26an.
- 2017ko azaroaren 30ko 3035 Alkatetza Dekretua, kontrataziorako laguntzen (2. Tipologia) oinarri arautzaileak eta deialdia arautzen dituen, 2017ko ekitaldirako Lanbide-Euskal Enplegu Zerbitzuko enplegua sustatzeko tokiko jardueretarako ematen dituen laguntzen deialdien markoaren barruan.

## 2. LAGUNTZAREN XEDEA ETA ZENBATEKOA

Oinarri hauen xedea honako deialdi hau arautzea da: tokiko enpresentzako laguntza ekonomikoak, Lanbiden lan eskatzaile bezala inskribatuta dauden langabetuaklan-merkatu arruntean kontratatzea ahalbidetzeko. Eta hau, Lanbide-Euskal Enplegu Zerbitzuko Enplegua Sustatzeko Tokiko Jardueretarako dituen Laguntzen deialdiaren markoaren barruan.

Kontratazioek, diru-laguntza jasotzeko, honako ezaugarri hauek izan behar dituzte:

- Kontratuen gutxienerako iraupena 3 hilabetekoa izango da, jardunaldi osoz.
- Diruz lagunduko da edozein kontratazio mota, prestakuntza eta ikasketarako kontratua izan ezik.
- 2017ko uztailaren 28 eta abenduaren 31 bitartean sinatutako kontratuak diruz lagunduko dira.
- Kontratututakoek langabetuak izan behar dute eta Lanbide-Euskal Enplegu Zerbitzuan inskribatuta egon enplegu eskatzaile gisa.

Emango diren diru-laguntzen gehienezko zenbatekoa hau izango da:

- 1) Gehienez, **3.000 euroko** diru-laguntza **hiru hilabete** irauten duen jardunaldi osoko kontratu bakoitzeko, eta gehienez, **6.000 euroko** diru-laguntza **sei hilabete edo gehiago** irauten duen jardunaldi osoko kontratu bakoitzeko. Hiru eta sei hilabete arteko kontratazioen kasuan, diru-laguntza lan egindako denborarekiko proportzionala izango da.

Edozein kasutan ere, diru-laguntzaren azken zenbatekoa **ezin izango da** kontratatutako **soldata-kostuen eta gizarte segurantzaren kostuen %75etik gora egon**, kontratu amaieragatik kalte-ordainak eta enpresaren kargupeko Gizarte Segurantzako kuota barne harturik.

2) Kolektibo hauetako pertsonak kontratatuz gero:

- a. DBEren hartzaileak.
- b. Lehen enplegua lortzen duten 35 urtetik beherakoak.
- c. Iraupen luzeko langabetuak. Kasu honetan sartzen dira kontratazioaren aurreko 18 hilabeteen Lanbiden enplegu eskatzaile bezala inskribatuta egon direnak, beti ere aldi horretan 12 hilabetez gutxienez langabezian egon badira.
- d. 55 urtetik gorako pertsonak.

Diru-laguntzaren gehieneko zenbatekoa **9.000 eurokoa** izango da, **sei hilabete edo gehiago** irauten duen jardunaldi osoko kontratu bakoitzeko. **Hiru eta sei hilabete** arteko kontratazioen kasuan, diru-laguntza lan egindako denborarekiko proportzionala izango da.

Edozein kasutan, diru-laguntzaren azken zenbatekoa **ezin izango da kontratatutako soldata-kostuen eta gizarte segurantzaren kostuen %100etik gora egon**, kontratu amaierako kalte-ordainak eta enpresaren kargupeko Gizarte Segurantzako kuota barne harturik.

### 3. ONURADUNAK

Deialdi honetan jasotako laguntzen onuradun izan ahalko dira besteren konturako langileekin kontratuak sinatzen dituzten pertsona fisiko edo juridikoak, euren forma juridikoa edozein izanik ere, betiere honako baldintza hauek betetzen badituzte:

- 1.- Erakunde eskatzaileak helbide soziala Leioan izan behar du. Baldintza hori ofizios egiaztatuko da.
- 2.- Langilea(k) kontratatzeak enplegu sorrera garbia ekarri beharko du diruz laguntzen den/diren pertsona kontratatua/k sartu aurreko hiru hilabeteetan enpresan izan den batez besteko langile zerrendarekiko.
- 3.- Ez da kontratatzeko diru-laguntzarik emango enpresaburuaren, enpresa-zuzendarien eta sozietateen izaera juridikoa duten enpresen administrazio-organoetako kide diren pertsonen ezkontideak, ondorengoak eta gainerako senideak kontratatzeko, baldin eta haiekin bigarren mailara arteko odolkidetasunezko edo afinitatezko harremana badute, ezta hasieran adierazitako pertsona horiek kontratatzeko ere.
- 4.- Herri Administrazioarekiko (Foru Ogasuna, Gizarte Segurantzaren eta Leioako Udala) obligazioak beteta izatea.

- 5.- Diru-laguntza edo laguntza publikoak jasotzeko ezintasuna dakarren zehapen penal nahiz administratiborik ez izatea eta horiek eskuratzeko legezko debekurik ez izatea.
- 6.- Diru-laguntzak erakunde onuradunei esleitzeko, eta, hala dagokionean, ordaintzeko baldintza izango da Euskal Autonomia Erkidegoko Administrazioak eta haren erakunde autonomiadunek izaera bereko laguntzen edo diru-laguntzen esparruan erakunde horiekiko abiarazi dituen itzultze edo zehazpen-prozedurak bukatzea, baldin eta une horretan oraindik izapidetze-fasean baldin badaude.

#### **4. LAGUNTZA MOTAK ETA ZENBATEKOA**

Emango diren diru-laguntzen zenbateko osoa eta horiek finantzatzeko aurrekontu-kredituak Lanbide-Euskal Enplegu Zerbitzuko zuzendariaren 2017ko azaroaren 2ko Ebazpenean zehaztutakoak dira, Leioako Udalarentzako diru-laguntza onartzen duen ebazpena, enplegua sustatzeko tokiko ekintzak burutzeko diru-laguntzen deialdiaren babespean. Ildo horretan, deialdi hau garatzeko, Leioako Udalari emandako diru-laguntzaren zenbatekoa 85.846,22 eurokoa da.

Horrekin ados, 2.6.2.5 artikulua ezartzen du tokiko erakundeek bermatu behar dutela, gutxienez, kontratuen **%40 emakumeei** egingo zaizkiela. Beraz, ezarritako ehunekoa aintzat hartuta, kontratazio hauentzat dagokien diru-laguntzaren zenbatekoa gordeko zaie.

Zentzu horretan, aurreko premisak kontuan hartuta, honako laguntza hauek emango dira:

- A. Gehienez, **6.000 euroko 6** diru-laguntza **sei hilabete edo gehiago** irauten duen jardunaldi osoko kontratu bakoitzeko, **sexua edozein delarik** ere.
- B. Gehienez, **6.000 euroko 4** diru-laguntza **sei hilabete edo gehiago** irauten duten **emakumeei** eginiko jardunaldi osoko kontratu bakoitzeko.
- C. Gehienez, **3.000 euroko** diru-laguntza **1, 3 hilabete** irauten duen jardunaldi osoko kontratu baterako, **sexua edozein delarik** ere.
- D. Gehienez, **3.000 euroko** diru-laguntza **1, emakume bati egindakoa eta 3 hilabete** irauten duen jardunaldi osoko kontratu bakoitzeko.

**Kontratazioak 3 eta 6 hilabete bitartean iraungo balu, diru-laguntza lan egindako denborarekiko proportzionala izango da, eta gehienez, 6.000 euro emango dira.**

**A, B, C, eta D** modalitateetako kontratazioen diru-laguntzaren azken zenbatekoa **ezin izango da kontratatutakoen soldata-kostuen eta gizarte segurantza kostuen %75etik gora egon**, kontratu amaierako kalte-ordainak eta enpresaren kargupeko Gizarte Segurantzako kuota barne.

Halaber, diru-laguntzak aurreikusten dira **enpleguratzeko arazo bereziak dituzten kolektiboetako pertsonentzat**, hauexek alegia:

- Diru-sarrerak Bermatzeko Errenta jasotzen dutenak.
- Lehen enplegua lortzen duten 35 urtetik beherakoak.
- Iraupen luzeko langabetuak: Kasu honetan sartzen dira kontratazioaren aurreko 18 hilabetean Lanbiden enplegu eskatzaile bezala inskribatuta egon direnak, beti ere aldi horretan 12 hilabetez gutxienez langabezian egon badira.
- 55 urtetik gorako pertsonak.

Horretarako, honako diru-laguntza hauek emango dira:

- E. Gehienez, **9.000 euroko** diru-laguntza **bat sei hilabete edo gehiago** irauten duen jardunaldi osoko kontratu baterako, **sexua edozein delarik** ere.
- F. Gehienez, **9.000 euroko** diru-laguntza **bat sei hilabete edo gehiago** irauten duen **emakume bati** eginiko jardunaldi osoko kontratu batengatik.
- G. Gehienez, **4.500 euroko** diru-laguntza **bat hiru hilabete** irauten duen jardunaldi osoko kontratu batengatik, **sexua edozein delarik**.

**Kontratazioak 3 eta 6 hilabete bitartean iraungo balu, diru-laguntza lan egindako denborarekiko proportzionala izango da, eta gehienez, 9.000 euro emango dira.**

**E, F eta G** modalitateetako kontratazioen diru-laguntzaren zenbatekoa ezin izango da kontratatutakoen soldata kostuen %100etik gora egon, kontratu amaierako ordainak eta enpresaren kargupeko Gizarte Segurantzako kuota barne.

## 5. EMAKIDA PROZEDURA

1. Leioako Behargintzak tramitatuko ditu eskabideak: Mendibil 3, 48940 Leioa. Tel.: 944008051. E-posta: [behargintza@leioa.net](mailto:behargintza@leioa.net).
2. Diru-laguntzak norgehiagoka prozeduraren bidez emango zaizkie baloraziorik altuena lortzen duten eskatzaileei, honako balorazio-irizpide hauei jarraiki:

Gehienez 30 puntu eskura daitezke honako aspektu hauekin, eta bakoitzari, jarraian zehazten zaion gehienezko puntuazioa emango zaio:

- a) **Leioan erroldatutako pertsonak kontratatzea:** 10 puntu
- b) 2017an zehar, **gazte enplegurako dinamizazio edo trebatze programaren** batean parte hartu duten **18 eta 35 urte bitartekoak kontratatzea:** 5 puntu.

- c) Lanbide-Euskal Enplegu Zerbitzuak Enplegua Sustatzeko Tokiko Jardueretarako dituen Laguntzen deialdiaren markoaren barruan kontratazio laguntzen onuraduna ez den enpresa: 10 puntu.
- d) **Enpresaren tamaina.** Gehienez, 10 puntu emango dira entitate eskatzailearen tamainaren arabera:
- Bost langile baino gutxiago: 10 puntu
  - 5 eta 25 langile bitartean: 5 puntu
  - 25 langile baino gehiago: 0 puntu

- e) **Enpresa sortu berrien kontratazioak.** Sortu berriak izango dira Jarduera Ekonomikoen Zergan alta ematea eskatu dutenak 2016eko urtarrilaren 1etik aurrera: 5 puntu.

Diru-laguntza hauek emango zaizkie proiektuan puntuaziorik altuena erdiesten duten entitateei. Proiektu batek baino gehiagok azken balorazio berbera lortuko balute, a) atalean punturik gehien daukana lehenetsiko da. Berdinketa ez balitz horrela desegingo, b) atalean punturik gehien duena lehenetsiko da. Horrela egingo da, segidan, berdinketa desegin arte.

Berdinketa ez bada desegiten, lehenetsiko da, eskabidea aurkezteko unean, langile-zerrendan desgaitasunen bat duten pertsona gehiago dituen entitatearen proposamena. Hala ere, berdinketa desegingo ez balitz, lehenetsiko da langile zerrendan desgaitasunen bat duten pertsona finko gehiago dituen entitatea.

3. Eskabideak aurkezteko epea amaituta, instrukzio organoak, Behargintzako teknikariz osatuta, egiaztatuko du onuradun izateko baldintzak betetzen ote diren, aurkeztutako eskabideak eta dokumentazioa aztertuz.

Eskabideak ez badaude behar bezala beteta edo oinarri hauetan eskatzen den dokumentazio guztia ez badaukate, pertsona edo entitate interesdunari bost lan eguneko epea emango zaio akatsak zuzentzeko edo falta diren agiriak entregatzeko, eta beren-beregi jakinaraziko zaio, hala egin ezean, eskabidea baliogabetuko dela urriaren 1eko 39/2015 Legeko, Herri Administrazioen Administrazio Prozedura Erkideari buruzkoa, 68.1. artikulua terminoen arabera idatzitako ebazpen bidez.

Instrukzio organoak eskatzaileen zerrenda, aurre-ebaluzio faseko jarduerak, horien emaitzak, eta baztertuta geratu diren zerrenda (baztertuta izateko arrazoia zehaztuz) batzen dituen txostena egingo du.

4. Kide anitzeko organoa honako kide hauek osatuko dute:
- Presidentea: alkatea edo berak eskuordetutako zinegotzia.
  - Bokalak: hiru izango dira. Funtzionario, lan-kontratadun edo zinegotzien artean izendatuko ditu organo emaileak.
  - Idazkaria: hitz egin dezake, baina botorik gabe. Udal langile bat izango da.

Kide anitzeko organoak aztertuko ditu, instrukzio organoak eginiko txostenaren arabera, aurre-ebaluazio fasea igaro duten eskabideak, eta espedienteak baloratuko ditu oinarri hauen 6.2 epigrafean zehaztutako irizpideen arabera.

Kide anitzeko organoak ebaluazio txostena egingo du. Bertan, eskatzaileen zerrenda erantsiko da, lortutako osoko puntuazioaren arabera ordenatuta, puntuazio altuenetik txikienera, eta puntuazio partzialak zehaztuz, balorazio irizpideen arabera.

5. Instrukzio organoak, kide anitzeko organoaren espedientea eta ebaluazio txostena ikusirik, behin betiko ebazpen proposamena egingo dio emakida egiten duen organoari.
6. Oinarri arautzaile hauetan aurreikusten diren diru-laguntzen emakidak honako printzipio hauek bermatuko ditu: publizitatea, norgehiagoka eta objektibotasuna.

## 6. AURKEZTEKO EPEA ETA LEKUA

Diru-laguntza eskaera oinarri hauek argitaratzen diren hurrengo egunetik aurrera aurkeztu ahal izango da Leioako Udaleko webgunean.

Diru-laguntzaren eskabideak, beharrezkoa den dokumentazioarekin batera, Udal Erregistro Nagusian (Elexalde 1 helbidean) edo Leioako Behargintzan (Mendibil 3 helbidean) aurkeztuko dira (Leioako Posta Kutxatila: 48940). Bulego bien arreta ordutegia astelehenetik ostiralera bitartekoa da, 8:30etik 14:30era.

Dokumentazioa aurkezteko beste modu bat Herri Administrazioen Administrazio Prozedura Erkideari buruzko urriaren 1eko 39/2015 Legearen 16.4 artikulua aurreikusten duena da.

Eskabidea posta-bulegoan aurkeztuz gero, Posta Zerbitzuak arautzen dituen 1829/1999 Errege Dekretuko 31. artikulua dioena bete beharko da: *“herritarrek edo erakundeek posta zerbitzu orokorra erabiltzen dutenean administrazio publikoei eskariak, idatziak eta jakinarazpenak bidaltzeko, gutun-azala irekita aurkeztu beharko dute posta bulegoan, **bidali nahi duten dokumentuaren lehen orriko goiburuan posta zerbitzukoek argi eta garbi adieraz ditzaten bulegoaren izena eta bidalketaren lekua, eguna, ordua eta minutua.** Datu horiek, eskabidea onartu dela ziurtatzen duen frogagirian agertu beharko dute”*.

Aurkeztutako eskabidean, posta-bulegoak ez badu jarri agiria zein egunetan eta lekutan hartu den, ondore guztietarako aurkezpen datatzat joko da Udal Erregistroko sarrera-data.

Eskabideak aurkezteko epea **2018ko urtarrilaren 31n** amaituko da, aintzat harturik kontratazioak gauzatzeko epea 2017ko uztailearen 28tik eta abenduaren 31ra bitartekoa izango dela.

Diru-laguntza hauetarako aurrekontua agortuko ez balitz, Leioako Udalak deialdi berria egin ahal izango du, eta eskabideetarako epea luzatu.

## **7. ESKABIDEAK ETA DOKUMENTAZIOA**

1.- Oinarri hauetan jasotako laguntza eskuratzeko eskabidea Leioako Udalaren eta Leioako Behargintzaren web orrietan eskuragarri dagoen (www.leioa.eu eta www.leioako-behargintza.net) deialdi honen eredu ofizialaren arabera aurkeztu beharko da.

2.- Eskabide orria aurkeztu beharko da (I. Eranskina), eta horri, honako agiri hauek erantsi:

### **ENPRESARI BURUZKO DOKUMENTAZIOA:**

a) **I. Eranskinen** eskaera orria, datu hauek jasotzen dituenak:

- Eskatzailearen datuak
- Eskatutako laguntza mota
- Enpresari buruzko agiri orokor erantsiak.
- Kontratutako pertsonen buruzko agiri orokor erantsiak.
- Kontratutako pertsonen buruzko agiri berezi erantsiak.
- Kontratuen lehentasun hurrenkera (bi diru-laguntza eskatuz gero)
- Kontratuaren deskribapena

b) IFKren eta enpresaren eraketako eskrituren fotokopia.

c) Entitate eskatzailearen ordezkari legalaren NANaren fotokopia, eta hala badagokio, ahalorde-eskritura.

d) Kontratutako pertsonak sartu baino lehenagoko hiru hilabeteetan alta egoeran egon den langile-zerrendaren batez bestekoari buruzko ziurtagiria, Gizarte Segurantzaren Diruzaintza Orokorra eginikoa.

e) Ordainketak egunean daudela egiaztatzen duen Gizarte Segurantzaren Diruzaintza Orokorra eginiko ziurtagiria.

f) Bizkaiko Foru Ogasunean ordainketak egunean daudela egiaztatzen duen ziurtagiria.

g) Jarduera Ekonomikoen alta agiria.

h) EAEko Administrazioak edo bere Erakunde Autonomoek emandako laguntzen markoan hasitako diru-itzultze edo zigor prozeduraren batean ez dagoela aitortzen duen zinpeko adierazpena, enpresako legezko ordezkariarena. Halaber, aitorten horren esan behar du



diru-laguntzarik jaso edo galtzeko prozesuren batean ez dagoela, ezta sexu bazterkeriagatik zigor administratibo edo penalik ez duela ere. **II. Eranskinaren arabera.**

- i) Kontratutako pertsonak enpresaburuaren, enpresa-zuzendarien eta sozietateen izaera juridikoa duten enpresen administrazio-organoetako kide diren pertsonen ezkontide, ondorengo eta gainerako senideekin bigarren mailara arteko odolkidetasunezko edo afinitatezko harremanik ez duela dioen zinpeko adierazpena, enpresako legezko ordezkariarena. **III. Eranskinaren arabera.**
- j) Diruz lagunduko diren kontratuan/kontratuetan gain-finantzaketarik ez dagoela egiaztatzen duen zinpeko adierazpena, enpresako legezko ordezkariarena. **IV. Eranskinaren arabera.**

#### **KONTRATUTAKO PERTSONARI BURUZKO DOKUMENTAZIOA:**

Entitate eskatzaileak eskaera bakarra aurkeztu beharko du, eta bi kontratazio badira, bien arteko lehentasuna adierazi. Enpresa bakoitzari ez zaio eskaera bat baino gehiago onartuko. (Aurkeztutako I. Eranskinarekin ados).

#### **DOKUMENTAZIO OROKORRA:**

- a) Kontratutako pertsonaren NAN edo identitatea egiaztatzen duen agiriaren fotokopia.
- b) Lan kontratuaren fotokopia.
- c) Kontratutako langilea Gizarte Segurantzaren alta eman deneko ziurtagiria.
- d) Lanbide-Euskal Enplegu Zerbitzuaren txostena, enplegu eskatzaile moduan inskribatuta eta langabezia-egoeran egotea egiaztatzen duena.
- e) Gizarte Segurantzaren Diruzaintza Orokorrak pertsona kontrataturaren lan-bizitzari buruz egindako txostena.

#### **DOKUMENTAZIO BEREZIA:**

- f) Kontratutako pertsona 35 urtetik beherakoa dela eta bere lehen enplegua dela egiaztatzeko: Gizarte Segurantzak eginiko ezezko afiliazio txostena.
- g) Kontratazioa baino lehenagoko 18 hilabeteetan, Lanbiden inskribatuta, gutxienez, 12 hilabetez langabezian izan direnak: Lanbidek eginiko ziurtagiria egoera hori ziurtatuz.

- h) Diru-sarrerak Bermatzeko Errenta kobratzen dutenen kontratazioa dela-eta, ez da agiri berezirik aurkeztu behar, nahiko da I. Eranskineko gelaxka markatzearekin eta ofizioz egiaztatuko da.
- i) Kontratututako pertsonak, 2015 edo 2016an, gazte enplegurako dinamizazio eta trebatze programaren batean parte hartu dueneko agiria.

Enpresa interesdunak ez badu eskabidea behar bezala betetzen edo harekin batera ez baditu bidaltzen nahitaezko dokumentu guztiak, Leioako Udalak eskatuko dio, hamar lan-eguneko epean, hutsegitea zuzentzeko edo nahitaezko dokumentuak aurkezteko. Halaber, jakinaraziko zaio, hori egin ezean, eskabidea ezetsi egingo dela. Kasu horretan, Administrazioak beren-beregiko ebazpena eman beharko luke eta interesdunari jakinarazi, urriaren 1eko 39/2015 Legeko, Herri Administrazioen Administrazio Prozedura Erkideari buruzkoa, 21 eta 68.1 artikuluetan ezarritakoarekin ados.

3.- Gehienez, 2 kontratazio jaso ditzakeen eskabide bakarra onartuko da entitate bakoitzeko, diru-laguntza bakarra emango ez bada era, diru-guztiak bete ezik eta, ondorioz, aurrekontua agortuta ez badago.

## **8. EBAZPENA**

Alkateak emakidarako ebazpena egingo du, behin-betiko ebazpen proposamena ikusirik, gehienez, 3 hilabeteko epean, eskabideak aurkezteko epea bukatu eta biharamunetik zenbatzen hasita.

Emakidarako ebazpenak, erabakia arrazoitzeko, oinarri arautzaileak eta deialdiaren baldintzak betetzen dituela esango du, eta edozein kasutan, honako hauek zehaztuko ditu:

- Pertsona edo entitate onuradunak edo diru-laguntza ematen zaien onuradunen zerrenda, zenbatekoak banaka zehaztuz, balorazio irizpideak aipatuz eta diru-laguntzaren helburu den kontratazioa zein den esanez. Halaber, emakidarako ebazpenak atzera botatako eskatzaileen zerrenda erakutsiko du, arrazoiketa eginez, baita gaitzetsi direnak ere, edo eskubideari uko egin diotenak edo bat-bateko ezintasun materialagatik jaso ez dutenak.
- Onuradunek onartutako konpromisoak.
- Ebazpenean agertuko da, baldintza administratiboak eta teknikoak bete arren, diru-laguntza jasoko ez dutenen zerrenda, euren balorazioa hautatutakoena baino baxuagoa delako eta deialdiko gehienezko zenbatekoan ez direlako sartzen. Onuradun izango ez diren horiek puntuazio altuenetik baxuenera ordenatuta egongo dira.

Baiezko erantzuna jasotzen duen eskabide kopurua Lanbidek Leioako Udalari esleitutako aurrekontuaren menpe egongo da, Leioako Udala Entitate Laguntzailea baita, Lanbide-Euskal

Enplegu Zerbitzuko zuzendariaren 2017ko azaroaren 2ko Ebazpenaren arabera. Aurrekontu hau 85.846,22 eurokoa da.

Hiru hilabeteko epea egongo da Emakidarako Ebazpena egiteko, eskabideak aurkezteko epea amaitu eta biharamunetik zenbatzen hasita. Behin prozedura ebatzita, interesdunek emakidarako ebazpenaren beren beregiko jakinarazpen indibiduala jasoko dute.

Oinarri hauetan aurreikusitako laguntzen emakidak publizitate, norgahiagoka eta objektibotasun printzipioak gordeko ditu.

## **9. DIRU-LAGUNTZA ZURITZEA ETA ORDAINTZEKO MODUA**

Diruz laguntzen den epea amaiturik, honako dokumentazio hau aurkeztu beharko da laguntza justifikatzeko, gehienez, bi hilabeteko epean:

- 1.- Diru-laguntzaren helburu den kontratazio epeari dagozkion nominen kopia.
- 2.- Diru-laguntzaren helburu den kontratazio epean, nominak kobratu egin direla ziurtatzen duen bankuaren agiria.
- 3.- Diru-laguntzaren helburu den kontratazio epeari dagokion TC2.
- 4.- Kontratazio aldiko soldata kostuei buruzko ziurtagiria.
- 5.- Beste edozein administrazio edo entitatek, publikok zein pribatuk, helburu berbererako ematen dituen diru-laguntzak edo laguntzak, diru-sarrerak edo baliabideak lortzeari buruzko zinpeko adierazpena.
- 6.- Gizarte Segurantzaren Diruzaintza Orokorrak alta egoeran dagoen langile-zerrendaren batez bestekoari buruzko txostena, kontratatutako pertsonak edo pertsonen lanean hasi eta hurrengo eguneko datarekin.

Laguntzak ordainketa baten gauzatuko dira, diru-laguntza betetzen dela justifikatu eta hilabeteko epean, gehienez.

## **10. ENTITATE ONURADUNEN BETEBEHARRAK**

1. Laguntzen enpresa onuradunek 2016ko ekainaren 16 eta azaroaren 30a bitartean gauzatu beharko dituzte kontratazioak.
2. Emandako laguntza onartu beharko dute. Zentzu horretan, laguntzaren emakidarako jakinarazpena jasotzen den egunetik, hamabost eguneko epean, onuradunak ez badio beren-beregi eta idatziz uko egiten, onartu egiten dela ulertuko da, bai aspektu

ekonomikoari dagokionez, bai ebazpenean jasotzen diren gainerako baldintzei dagokienez, baita deialdi honetakoei dagokienez ere.

3. Edozein kasutan, enpresa kontratatzaileak Udalari eman beharko dio diru-laguntza justifikatzeko beharrezko litzatekeen edozein informazio, diruz laguntzen den epean kontratatutako pertsona mantentzearekin, soldata kostuarekin eta Gizarte Segurantzaren kostuarekin lotutakoa.
4. Enpresa onuradunak Udalari jakinarazi beharko dio diru-laguntza emateko aintzat hartu den edozein egoeraren aldaketa.
5. Diru-laguntza justifikatzeko dokumentazioa bi hilabeteko epean aurkeztu beharko du, diruz laguntzen den kontratazio epea amaitzen denetik zenbatzen hasita. Epe horretan justifikatzen ez bada, emandako diru-laguntza guztia edo partzialki galtzea suposa dezake.
6. Entitate onuradunek beren beregi jaso beharko dute Leioako Udalaren eta Lanbide-Euskal Enplegu Zerbitzuaren babesa deialdi honen arabera finantzatutako jarduera guztietan, baldin eta hedatu, zabaldu edo argitaratu behar badira.

Diruz lagundutako jardueraren izaeragatik ez badagokio hedatu, zabaldu edo argitaratzea, logotipoak ez dira jarri behar izango diruz lagundutako entitatearen beste agiri batzuetan, akatsik edo nahasmendurik gerta ez dadin Leioako Udalaren eta Lanbide-Euskal Enplegu Zerbitzuaren laguntzaren nondik norakoen gainean.

## **11. BESTE LAGUNTZA EDO DIRU-LAGUNTZA BATZUK ALDI BEREAN JASOTZEA**

Deialdi honetan jasotako laguntza ez da bateragarria beste administrazio edo erakunde publiko edo pribatu batzuek kontzeptu eta helburu bererako ematen duten beste edozein laguntza, diru-laguntzarekin, Gizarte Segurantzaren hobariak kenduta.

Hori dela-eta, beste administrazio edo erakunde publiko edo pribatu batzuek kontzeptu eta helburu bererako ematen duten beste edozein laguntza, diru-laguntza edo diru-sarrera lortu bada, Udal honi jakinarazi egin beharko zaio.

## **12. DIRU-LAGUNTZAREN HAUSTEAK ETA ALDAKETAK**

Diruz laguntzen den epea amaitu baino lehen, lan kontratuak iraungitzen badira, emandako diru-laguntza baliogabetuko da, iraungitzea entitate kontratugilearen borondatearen menpe ez dauden arrazoiengatik izan ez bada. Azken kasu horretan, lan kontratuaren benetako iraupenaren arabera, diru-laguntzaren murrizketa egingo da.

Diru laguntzak emateko orduan, kontuan hartutako baldintzaren bat aldatuz gero, eta edozein kasutan, helburu bererako ematen den beste edozein laguntza edo diru-laguntza jaso dela antzematen bada, emandako diru-laguntza aldatu edo baliogabetuko da.

Baldintzak aldatzetik eratoritzen baldin bada diru-laguntza osoa edo parte bat itzuli behar dela, dirua itzultzeko prozedurari hasiera emango zaio.

### **13. ERREKURTSOAK**

Emakidarako ebazpenak bide administratiboari amaiera ematen dio. Horren aurka, ebazpena egin zuen organoaren aurrean, berraztertze errekurtsua jar daiteke hilabeteko epean, ebazpenaren jakinarazpena jaso eta biharamunetik zenbatzen hasita, edo administrazioarekiko auzi errekurtsua jar daiteke, bi hilabeteko epean, Administrazioarekiko Auzien Epaitegian.

### **14. DATU PERTSONALEN BABESA**

Diru-laguntza eskaera aurkeztuz gero, entitate eskatzaileak adierazten du ados dagoela deialdiko baldintza guztiekin eta horiek betetzen dituela.

Halaber, adierazten du eskaeran jasotako datu pertsonalak bere baimenarekin batu direla eta onartzen duela datuon tratamendu automatizatua, baita horiek sartzea udalak behar bezala baimendutako fitxategietan. Baimena ematen du, baita ere, datuok udal kudeaketarako bakarrik erabiltzeko, eta beste Herri Administrazio eta beren mendeko erakundeei utzi edo jakinarazi ahal izango zaizkie Datu Pertsonalak Babesteko abenduaren 13ko 15/1999 Lege Organikoak ezarritako kasuetan.

## I.ERANSIKA-ESKAERA

*Kontratazioa sustatzeari begirako diru-laguntzak, enplegua sustatzeko tokiko ekintzak burutzeko diru-laguntzen deialdiaren barruan, 2017ko uztailaren 27ko Lanbide-Euskal Enplegu Zerbitzuko zuzendari nagusiaren ebazpenez (2017/07/28ko EHAA) eta 2017ko azaroaren 30ko 3035 Alkatetza Dekretuaz arautua.*

### ESKATZAILEAREN DATUAK:

Izen-abizenak		NAN
Bere izenean ala enpresaren izenean (adierazi eskumenak eta erakundearen izena)		IFK
Helbidea		Udalerria
PK	Lurraldea	Tel.:
E-mail:		

### ESKATUTAKO LAGUNTZA MOTA 4. artikulua araber.

(Jarri X aurkeztutako agirian)

<b>A</b>	<b>B</b>	<b>C</b>	<b>D</b>
<b>E</b>	<b>F</b>	<b>G</b>	

### ENPRESARI BURUZKO DOKUMENTAZIO OROKOR ERANTSIA

(X batekin markatu aurkeztutako dokumentazioa)

- |   |
|---|
| <input type="checkbox"/> IFKren eta enpresaren eraketako eskrituren fotokopiak.   |
| <input type="checkbox"/> Entitate eskatzailearen ordezkari legalaren NANaren fotokopia eta, hala badagokio, ahalduz eskritura.  |
| <input type="checkbox"/> Gizarte Segurantzaren Diruzaintza Orokorren txostena, diruz lagundutako kontratua duten pertsonen lanean hasi aurreko hiru hilabeteetako langile-zerrendaren batez bestekoari buruz. |
| <input type="checkbox"/> Ordainketak egunean daudela egiaztatzen duen Gizarte Segurantzaren Diruzaintza Orokorren eginiko ziurtagiria.  |

- Bizkaiko Foru Ogasunean ordainketak egunean daudela egiaztatzen duen ziurtagiria
- Jarduera Ekonomikoen alta
- II. Eranskina
- III. Eranskina
- IV. Eranskina

### **KONTRATATU DENARI BURUZKO DOKUMENTAZIO OROKOR ERANTSIA**

*(X batekin markatu aurkeztutako dokumentazioa)*

- NAN edo nortasuna egiaztatzen duen agiriaren fotokopia.
- Lan kontratuaren fotokopia.
- Gizarte Segurantzako alta ziurtagiria.
- Lanbide-Euskal Enplegu Zerbitzuaren txostena, lan-eskatzaille moduan inskribatuta eta langabezia-egoeran egotea egiaztatzen duena.
- Gizarte Segurantzaren Diruzaintza Orokorrak pertsona kontratatuaren lan-bizitzari buruz egindako txostena.

### **KONTRATATUTAKO PERTSONEI BURUZKO DOKUMENTAZIO ZEHATZ ERANTSIA:**

*(X batekin markatu egoki dena)*

- Lehen enplegua lortzen duten 35 urtetik beherakoen kasuan:
  - Gizarte Segurantzak eginiko afiliazio-txosten negatiboa.
  - Kontratazioa baino lehenagoko 18 hilabeteetan, Lanbiden inskribatuta egon diren pertsonak, beti ere epe horretan gutxienez 12 hilabetez langabezian egon badira: Lanbidek eginiko ziurtagiria inskripzio aldiei buruz.
- DBE kobratzen duten pertsonarik kontratatzen bada:
  - Lanbide-Euskal Enplegu Zerbitzuak egindako ziurtagiria egoera hori egiaztatuz.
- 2017an zehar, gazte enplegurako dinamizazio edo trebatze programaren batean parte hartu duten 20 eta 35 urte bitarteko pertsonak kontratatzea:
  - Programaren erakunde sustatzaileak egindako ziurtagiria.

**KONTRATUEN LEHENTASUN ORDENA, BI PERTSONA KONTRATATZEKO DIRU-LAGUNTZA ESKATUZ GERO:**

*Jarraian kontratatu pertsonen lehentasun ordena adierazi:*

1° .....
2° .....

**KONTRATUAREN DESKRIBAPENA (1):**

*(Jarraian, egin den edo egingo den kontratuaren ezaugarriak zehaztu)*

<p>➤ Kontratuaren hasiera data: ..... .....</p> <p>➤ Kontratuaren bukaera data: ..... .....</p> <p>➤ Kontratu mota: .....</p>
<p>➤ Kontratuaren hasiera data: ..... .....</p> <p>➤ Kontratuaren bukaera data: ..... .....</p> <p>➤ Kontratu mota: ..... .....</p> <p>➤ Kontratu-aldiko soldata kostuen zenbatekoa: .....</p> <p>➤ Kontratu-aldiko Gizarte Segurantzaren kostuak:.....</p>

nam dizugu inprimaki nonetan adieraziko dituzun datuak eskaeraren gaineko izapideak egingo dituen zerbitzuaren datu-itxategi batean erregistratuko direla; horren helburua aurkeztutako eskaerari erantzutea da; informazioa dagokion Arloko langileek jasoko dute eta fitxategiaren arduraduna Leioako Udala izango da.



## **II. ERANSKINA – ZINPEKO ADIERAZPENA: ITZULTZE EDO ZEHAZPEN- PROZEDURARIK ZABALIK EZ EDUKITZEA, ZIGOR ADMINISTRATIBO EDO PENALIK EZ EDUKITZEA DIRU-LAGUNTZARIK LORTZEKO, EDO ZIGOR ADMINISTRATIBO EDO PENALIK EZ EDUKITZEA SEXU BAZTERKERIAGATIK**

Enplegua sustatzeko tokiko jardueretarako Lanbide-Euskal Enplegu Zerbitzuak 2017ko ekitaldirako ematen dituen laguntzen deialdien markoaren barruan (2017ko uztailaren 27ko Ebazpena), kontrataziorako laguntzen oinarri arautzaile eta deialdi honi dagokionez, honako hauei buruzko zinpeko adierazpena aurkezten da: itzultze edo zehazpen-prozedurarik zabalik ez edukitzea, zigor administratibo edo penalik ez edukitzea diru-laguntzarik lortzeko, edo zigor administratibo edo penalik ez edukitzea sexu bazterkeriagatik.

.....  
..... jaunak/andreak,  
..... NAN  
zenbakiduna, bere izenean edo  
.....  
.....helbidean dagoen,  
.....  
..... telefonoa duen eta .....IFK duen enpresaren  
izenean (ordezkaritzarako eskumenak adierazi),

Zinpean, zera dio:

1. Administrazioak emandako diru-laguntzaren edo laguntzaren bat jaso edo galtzeko prozesuren batean ez dagoela, laguntza horrek honen izaera berbera edo antzekoa izanik.
2. Ez duela zigor administratibo edo penalik diru-laguntza edo laguntza publikorik lortzeko, ez eta horretarako gaitasuna kentzen dion legezko debekurik ere.
3. Enpresak ez duela zigor administratibo edo penalik sexu bazterkeriagatik, ez eta, Emakumeen eta Gizonen Berdintasunari buruzko otsailaren 18ko 4/2005 Legearen arabera, EAeko Herri Administrazioen diru-laguntza eta laguntzen deialdietara aurkezteko gaitasuna ukatzen dion zigorrik ere.

Lekua, data, sinadura eta zigilua

### **III. ERANSKINA – AHAIDETASUNARI BURUZKO ZINPEKO ADIERAZPENA**

Enplegua sustatzeko tokiko jardueretarako Lanbide-Euskal Enplegu Zerbitzuak 2017ko ekitaldirako ematen dituen laguntzen deialdien markoaren barruan (2017ko uztailearen 27ko Ebazpena), kontrataziorako laguntzen oinarri arautzaile eta deialdi honi dagokionez, ahaidetasunik ez egoteari buruzko baldintzak betetzen direla dioen zinpeko adierazpena.

..... jaunak/andreak,  
..... NAN zenbakiduna, bere izenean edo .....helbidean dagoen,  
..... telefonoa eta .....IFK duen enpresaren izenean (ordezkaritzarako eskumenak adierazi),

Zinpean, zera dio:

Oinarri hauek arautzen duten dirulaguntzarako aurkezten den kontratatua duen pertsonak ez duela enpresaburuaren, enpresa-zuzendarien eta sozietateen izaera juridikoa duten enpresen administrazio-organoetako kide diren pertsonen ezkontide, ondorengo eta gainerako senideekin bigarren mailara arteko odolkidetasunezko edo afinitatezko harremanik.

Lekua, data, sinadura eta zigilua.

**IV. ERANSKINA – ZINPEKO ADIERAZPENA: DIRU-LAGUNTZAREN XEDE DEN KONTRATAZIOAK EZ DU GAIN-FINANTZAKETARIK.**

Enplegua sustatzeko tokiko jardueretarako Lanbide-Euskal Enplegu Zerbitzuak 2017ko ekitaldirako ematen dituen laguntzen deialdien markoaren barruan (2017ko uztailaren 27ko Ebazpena), kontrataziorako laguntzen oinarri arautzaile eta deialdi honi dagokionez, aurkeztutako kontratazioek gain-finantzaketarik ez dutela dioen zinpeko adierazpena.

..... jaunak/andreak,  
..... NAN zenbakiduna, bere izenean edo .....helbidean dagoen,  
..... telefonoa duen eta .....IFK duen enpresaren izenean (ordezkaritzarako eskumenak adierazi),

Zinpean, zera dio:

Bere eskaerako kontratazioari dagokionez (markatu X batekin egoki dena),

- Edozein administrazio publikok ematen duen eta helburu berbera duen diru-laguntzarik jasotzen ari ez dela.
- ..... erakundeak (erakundea eta deialdia adierazi) ..... euroko diru-laguntza eman diola.
- ..... erakundeari (erakundea, deialdia eta eskatutako zenbatekoa adierazi) dirulaguntza eskatu diola, eta ebazpenaren zain dagoela.

Lekua, data, sinadura eta zigilua.